

На Литургии:
Антифон 3, псалом 117, глас 1:

Стих 1: Исповедайтесь Гóсподеви, яко блага́, яко в век мило́сть Его́.

Тропарь, глас 1:

Во Иорда́не крещающуся Тебе́ Гóсподи,/ Троическое явися поклонéние:/ Родите́лев бо глас свидeтeльствоваше Тебе́,/ возлюбленнаго Тя Сына имену́я:/ и Дух в виде голуби́не,/ извествоваше словесé утверждéние,/ явлейся Христе́ Бóже, // и мир просвещей сла́ва Тебе́.

Стих 2: Да речёт убо до́м Изра́илев: яко блага́, яко в век мило́сть Его́. **Во** Иордане крещающуся Тебе́ Господи:

Стих 3: Да речет убо дом Аарóнь: яко блага́, яко в век мило́сть Его́. **Во** Иордане крещающуся Тебе́ Господи:

Стих 4: Да рекут убо вси бо́ящиеся Гóспода: яко блага́, яко в век мило́сть Его́. **Во** Иордане крещающуся Тебе́ Господи:

Входное: Благословен грядый во имя Господне: благословихом вы из дому Господня, Бог Господь и явися нам.

Тропарь: **Во** Иордане крещающуся Тебе́ Господи:

Слава, и ныне, кондак, глас 4:

Явися еси днесь вселéнней,/ и свéт Твой Господи зна́менася на нас,/ в разуме пою́щих Тя:/ пришёл еси и явился еси, // Свет непристúпный.

Вместо же Трисвятаго поем: Елицы во Христа крестистесь:

Прокимен, глас 4: Благословен Грядый во имя Господне,/ Бог Господь и явися нам. **Стих:** Исповедайтесь Гóсподеви яко благ, яко в век милость Его́:

Причастен: Явися благодать Божия спасительная всем человеком.

На трапезе бывает утешение братии велие. Ядим рыбу, и сыр и яица, и пием вино: мирстии же мясо, аще будет и в среду или пяток.

И читается слово Златоустаго, емуже начало: **В**си вы во благодушии.

Величание:

Величаем Тя,/ Живода́вче Христе,/ нас ради ныне плотию крестившагося от Иоанна // в вода́х Иорданских.